

Broj: 10-14/5-219-5-14 /18
Sarajevo, 21.05.2018. godine

Na osnovu člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), na Preporuku Komisije za javne nabavke za 2018. godinu, federalni ministar poljoprivrede, vodoprivrede i šumarstva, d o n o s i

O D L U K U

o izboru najpovoljnijeg ponuđača

I

Na osnovu provedenog otvorenog postupka sa objavom obavještenja na portalu Javnih nabavki broj: 855-1-1-1-3-4/18 od 02.02.2018. godine, okvirni sporazum za nabavku naftnih derivata - gorivo za potrebe Federalnog ministarstva poljoprivrede, vodoprivrede i šumarstva na period od dvije godine se dodjeljuje ponuđaču “HIFA PETROL” d.o.o. Vogošća-Sarajevo, za ponudu broj: JN – 577/18 od 07.02.2018. godine u iznosu od **70.800,00 KM** bez PDV-a.

II

Okvirni sporazum o nabavci dostavit će se najpovoljnijem ponuđaču iz tačke 1. ove Odluke najkasnije 15 dana od dana kada se svi ponuđači obavijeste o izboru najpovoljnije ponude.

III

Ova Odluka će biti objavljena na službenoj internetskoj stranici Federalnog ministarstva poljoprivrede, vodoprivrede i šumarstva, www.fmpvs.ba i dostavit će se ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Uz ovu Odluku, ponuđačima koji su učestvovali u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

IV

Za realizaciju ove Odluke zadužuje se Sektor za finansije i računovodstvo.

V

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 10-14/5-229-5/18 od 06.02.2018. godine. Javna nabavka je provedena putem otvorenog postupka za nabavku naftnih derivata – gorivo, radi zaključivanja okvirnog sporazuma sa jednim ponuđačem na period od **dvije godine**.

Za predmetnu javnu nabavku ugovorni organ je dana 02.02.2018. godine, objavio obavještenje za podnošenje ponude i tendersku dokumentaciju na Portalu javnih nabavki, broj: 855-1-1-1-3-4/18.

Do krajnjeg roka utvrđenog u Pozivu za dostavu ponuda, do 06.03.2018. godine, do 10,00 sati ponude su dostavili sljedeći ponuđači i to: “HIFA PETROL” d.o.o. Vogošća i “PETROL BH Oil Company” d.o.o. Sarajevo.

Red. br.	Ponuđač	Datum prijema	Sati	Ponuda zavedena
1	2	3	4	5
1.	“PETROL BH Oil Company” d.o.o. Sarajevo	06.03.2018.	8:10	10-14/5-229-5-3/18
2.	“HIFA PETROL” d.o.o. Vogošća	06.03.2018.	8:35	10-14/5-229-5-4/18

Komisija za javne nabavke za 2018. godinu, formirana rješenjem Federalnog ministra poljoprivrede, vodoprivrede i šumarstva broj: 10-14/5-229-2/18 od 27.2.2018. godine (u daljnjem tekstu: Komisija) održala je javno otvaranje ponuda u postupku predmetne nabavke dana 06.03.2018. godine sa početkom u 10,30 sati, u sali br. 502 na V spratu Federalnog ministarstva poljoprivrede, vodoprivrede i šumarstva, Marka Marulića broj 2, Sarajevo. Nije bilo prisustva ovlaštenih predstavnika ponuđača.

Komisija je prije otvaranja ponuda zaključila sljedeće:

1. da je ukupan broj pristiglih ponuda 2 (dva),
2. da je blagovremeno zaprimljeno 2 (dvije) ponude,
3. da je neblagovremeno zaprimljeno 0 (nula) ponuda,
4. da su koverta neoštećene, uredno zapakovane i zapečaćene,
5. da je na kovertama evidentiran redni broj prema kojemu se utvrđuje redosljed otvaranja i čitanja ponuda, prema vremenu dostavljanja na protokol ugovornog organa.

Komisija je prilikom otvaranja ponuda javno saopćila podatke o nazivu i sjedištu ponuđača, ukupnu cijenu ponude i popust, ne ulazeći u sadržaj i validnost dostavljene dokumentacije.

Ponuđači su za nabavku goriva, ponudili sljedeću ukupnu cijenu izraženu u KM bez PDV-a i to:

Red. br.	Ponuđač	Broj ponude	Ukupna vrijednost bez PDV-a	Popust
1	2	3	4	5
1.	“PETROL BH Oil Company” d.o.o. Sarajevo	35/18	64.800,00	0,10
2.	“HIFA – PETROL” d.o.o. Vogošća	JN-577/18	70.800,00	0,03

Zapisnik o otvaranju ponuda prosljeđen je ponuđačima putem protokola ugovornog organa, dana 06.03.2018. godine.

Komisija je po okončanju otvaranja ponuda, dana 12.03.2018. godine, pristupila analizi i utvrđivanju validnosti zaprimljenih ponuda, nakon koje je utvrdila sljedeće:

Rang lista nakon primjene kriterija ekonomski najpovoljnija ponuda:

R. b.	Naziv ponuđača	Cijena	Broj bodova	Rok plaćanja	Broj bodova	Ukupno bodova
1.	“PETROL BH Oil Company” d.o.o. Sarajevo	64.800,00	70,00	60 dana	20,00	90,00
2.	“HIFA – PETROL” d.o.o. Vogošća	70.800,00	64,07	90 dana	30,00	94,07

Nakon izvršene analize i utvrđivanja validnosti zaprimljenih ponuda, utvrđeno je da je ponuda ponuđača “HIFA PETROL” d.o.o. Vogošća neispravna jer ponuđač nije dostavio ponudu u skladu sa članom 57. stav (1) Zakona o javnim nabavkama te je utvrđeno da je ponuda “PETROL BH Oil Company” d.o.o. Sarajevo jedina prihvatljiva u predmetnom postupku javne nabavke naftnih derivata – gorivo i to u iznosu od 64.800,00 KM bez PDV-a.

U skladu sa navedenim, donesena je Odluka o izboru najpovoljnijeg ponuđača broj: 10-14/5-219-5-9 /18 od 13.03.2018. godine kojom se javna nabavka naftnih derivata – goriva dodjeljuje “PETROL BH Oil Company” d.o.o. Sarajevo.

“HIFA PETROL” d.o.o. Vogošća izjavila je žalbu na navedenu odluku Ugovornog organa jer smatra da se njegova ponuda trebala uzeti u razmatranje jer je kao rok za plaćanje naveo 90 dana, a što je u skladu sa Odgovorom na pitanje Ugovornog organa koji je dao na upit „HOLDINA“ d.o.o. Ured za razmatranje žalbi Bosne i Hercegovine donio je Rješenje broj: JN2-03-07-1-408-9/18 od 10.05.2018. godine kojim se

žalba uvažava i predmet vraća Ugovornom organu na ponovni postupak pregleda i ocjene ponuda. U obrazloženju drugostepenog rješenja navodi se da je uvidom u predmetni spis, točnije u Aneks III - Obrazac za cijenu ponude tenderske dokumentacije utvrđeno da je istim propisano da rok plaćanja ne može biti kraći od 30 dana ni duži od 60 dana. Na upit jednog od potencijalnih ponuditelja „Hold ina“ d.o.o., vezano za rok izvršenja novčane obaveze, Ugovorni organ je dao odgovor da u obrascu za cijenu ponude (Aneks III) tenderske dokumentacije, Ugovorni organ od ponuđača zahtijeva da odredi rok plaćanja koji ne može biti kraći od 30 dana niti duži od 90 dana. Ugovorni organ nema namjeru da povjeriocu izda sredstvo osiguranja (bankarska garancija) za duži rok plaćanja.

Ured je utvrdio da je Žalitelj u Aneksu III, koji je dostavljen na stranici 18 ponude, ponudio rok plaćanja od 90 dana, zbog čega je ugovorno tijelo ponudu Žalitelja odbacilo kao neprihvatljivu jer ista sadrži rok plaćanja koji nije tražen u tenderskoj dokumentaciji, a uzimajući u obzir da je prema pitanju jednog od potencijalnih ponuditelja ostavljena mogućnost da se ponudi rok plaćanja ne duži od 90 dana uz naznaku da za duži rok plaćanja od onog koji je previđen Zakonom o finansijskom poslovanju Federacije BiH, ugovorno tijelo nema namjeru da povjeriocu izda sredstvo osiguranja, utvrđeno je da je Žalitelj navedeno u potpunosti ispoštovao te da su navodi Žalitelja utemeljeni.

Postupajući po uputama Ureda za razmatranje žalbi, Ugovorni organ je pristupio ponovnoj ocjeni pristiglih ponuda i to ponude „HIFA PETROL“ d.o.o. Vogošća i ponude „PETROL BH Oil Company“ d.o.o. Sarajevo. Nakon što je utvrđeno da obje ponude zadovoljavaju uslove iz Tenderske dokumentacije, u skladu sa kriterijem ekonomski najpovoljnija ponuda, utvrđeno je da je najpovoljniji ponuđač za nabavku naftnih derivata - gorivo za potrebe Federalnog ministra poljoprivrede, vodoprivrede i šumarstva ponuđač „HIFA – PETROL“ d.o.o. Vogošća, jer zadovoljava tehničke i ekonomske uslove iz tenderske dokumentacije i ne prelazi procijenjenu vrijednost za predmetnu nabavku.

Naime, u skladu sa Tenderskom dokumentacijom gdje je kao kriterij za dodjelu okvirnog sporazuma navedena ekonomski najpovoljnija ponuda, a kao podkriterij su navedeni cijena (70 %) i rok plaćanja (30 %), Izabrani ponuđač („HIFA – PETROL“ d.o.o. Vogošća) je, kako je gore navedeno, ocijenjen sa ukupno 94,07 bodova, dok je drugi ponuđač („PETROL BH Oil Company“ d.d. Sarajevo) ostvario 90,00 bodova.

U skladu sa navedenim, utvrđeno je da je „HIFA PETROL“ d.o.o. Vogošća dostavio najprihvatljiviju ponudu u predmetnom postupku javne nabavke naftnih derivata – goriva te je odlučeno kao u Dispozitivu ove odluke.

U skladu sa navedenim, na osnovu člana 70. st. (1) i (3) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi BiH, putem Federalnog ministarstva poljoprivrede, vodoprivrede i šumarstva, u roku od 10 (deset) dana od dana prijema ove Odluke i to u pisanoj formi i u dovoljnom broju primjeraka a koji ne može biti manji od tri.



mr. sci. Šemsudin Dedić

Dostaviti:

1. „HIFA PETROL“ d.o.o. Vogošća;
2. „PETROL BH Oil Company“ d.d. Sarajevo
3. Sektor za finansije i računovodstvo;
4. Komisija za javne nabavke;
5. Spis predmeta;